

柯家山館遺詩

柯家山館遺詩卷三

歸安嚴元照修能

獻歲懷戴刑部以下已巳

分手臘垂盡懷人歲乍更遙知武林權定泊姑蘇城白
日照蓬鬢青春遲客程梅花江上發相對若爲情

偶吟

獻歲一無事終朝長閉門梅花春後開叢竹雨中喧愁
以屠蘇遣詩從戲劇論卽看閒草木生意滿乾坤

元夕寓表忠觀

又挂輕帆作客來九枝蓮燄隔城開明明西子湖邊月

圓向今年第一回

春湖新水漾新蟾魚鑰重門午夜嚴城裏家家沸弦管
不知幾處卷珠簾

二十日同人祭白公祠

春風一月足梅林十分開高枝綴紅玉光照孤山隈齋
潔拜白傅輕舸湖來青山展微笑美女臨妝臺朋侶
既勝絕風日亦佳哉繁花插滿頭影落黃金罍中酒忽
不樂舉杯復停杯風雪隔年人玉山於此墮如何遠行
役思之心徘徊

湖畔逢倪三話舊

霜嚴月苦夜迢迢
茶鼎淒涼舊事遙
門巷可憐春草綠
故人何處泊蘭橈

嘉興道中

鶯花草草送殘春
一櫂鴛湖獨問津
欲向菰蒲訪煙水
綠簑青笠有何人
輕帆才轉石門塘
一路桑麻接水光
釀得清寒風又雨
暮春天氣似重陽

登煙雨樓

欲乘煙雨賦登樓
特地行裘小逗畱
雙槩南湖清曉去
眼波睂黛一時秋

淒涼歲月誤儒冠涉世眞如蜀道難此地煙波還空闊
誓將生計付漁竿

舟行見官道旁薔薇一枝賦之

移傍園林去應憐彩豔同連朝風又雨不改淺深紅

卽事

星河耿耿兔華流一桁風簾自上鉤羅袖涼生金約臂
雲鬢香膩玉搔頭花明秋水嬌宜笑翠澹春山淺帶愁
此際姮娥定遙妒廣寒宮殿夜悠悠

送章傑

遊子悲故鄉欲去猶遲遲居人感離別時嶠問行期行

期日以近中懷憂思蘊熏風搖征帆淚下不可忍忍淚
送行舟滄江日夜流心移芳草遠目極暮雲愁暮雲空
霽灑芳草連天暗彩燕語牙檣鴛鴦隨錦纜錦纜豈無
情送君千里程思君如逝水荏苒歲華征歲華容易闌
行人不肯還相思千里夢夜夜度江關

於高明經

銓

齋中觀梅道人墨竹長卷乃子家

舊藏本也感歎賦之

廿年不見仲圭竹肘後無方可醫俗故人齋閣多清祕
慰我牢愁啟香檜明窗風日靜如水眼前一片瀟湘綠
風枝露葉筆不停鸞鳳翔空湘女哭餘瀟淋漓作草聖

不信三杯有張旭神明未失絹素完坐覺清風生卷軸
寶章入手翻悲愴未敢等閒誇眼福昔我先人嗜清賞
藏弄琳琅滿箱籠此卷標題定神品流落年年腸轉轂
滄江虹月米家船過眼雲煙周氏錄割愛君心知未甘
巧偷我計籌之熟請君料理缸面酒飲我直須傾一斛

對月

林端明月上 一雨洗逾淨浮雲耀金波華彩自相映餘
清在房藥開簾滅短檠佳人渺何許思之發高詠

秋感

金波滌天宇舒彩流前楹空階白露下絡緯相和鳴紈

扇空團圓奈此秋風生秋風何以慰零落班姬情

山居偶然作

秋瓜壓架低豆花繚牆滿金風吹未肅玉露下已緩蓮
蒿盈一階朝來梳沐嬾泉石在肘掖白雲時一款游鯤
思摩霄駑馬祇戀棧軒冕豈弗歆誰能同散誕

寄梁學士丈柬

學士先生前際壽再拜牘長夏過武林覲面計五六羈
愁快釋冰清言妙霏玉微風生高館未覺酷吏酷評詩
雲觸石以拙詩呈覽辱以公羊傳觸石而出數語評之授餐梁佐肉恩恩理歸
檝耿耿挂心曲別來六十日涼飈裏庭竹秋高氣爽墀

與居惟曼福賤子居吳羌掩關傍巖谷嬌兒不離鄰四
聲辨已熟少婦辨晨炊粗糲聊果腹園蔬須料理其事
付老僕南瓜大於蠶豆花紛上屋平生愛閒適長此願

已足借人書一瓿膽寫未暇讀

春夏之交錄宋本東萊先生書說一部頃向許

周生借錄太常因革禮已成廿卷

日課三千文轉覺大忙碌日暮孤雲

飛搔首緝高躅郵筒附便鴻寸心展所蓄有言瀆公聽
恐公頽爲蹙白礬扇雙柄高麗紙八幅殷勤求墨妙冀
以慰幽獨往還十五載樗散荷收錄下走非敬仲先生
信鮑叔有求何不可一諾應無宿寒暑已再改何日償
所欲沈吟再三息自悔所見俗依歸大君子親炙勝私

淑區區翰墨緣屢瀆則不告叩頭謝皇恐竚切德音復
晚步
意行無所指緩步隨流泉新月出東嶺娟娟未解圓隔
岸山漸暝布帆破蒼煙行行一回首此景難言詮

晚霽偶成

秋雨集疏竹妙音一時奏破窻出炊煙散瓦溼不透蓬
門掩蘿薜枯坐愒清晝浮雲破林樾日色忽斜漏西山
滿牆頭窈窕數峯瘦微風吹桂樹冉冉香滿袖磐石可
晏坐濯足寒澗溜夜來松際月殷勤自相就

題杜芳聽泉小影

畫虎須畫骨相士莫相皮肉眼空睒睒誰能辨妍媸杜
郎脣宇閒妙無俗可醫徑當從赤松餐霞以忘飢或者
傷朱門功名可乘時泉聲有何好傾聽毋乃癡豈若絲
與竹入耳開心脾嗟彼世上人碌碌空爾爲流泉自幽
咽千載無鍾期唯爾愛清音此意無人知吾耳已淨洗
他日行相隨

重陽前風雨

攪林風雨急時序逼重陽白髮添新感黃花憶故鄉親
交書問絕日月米鹽忙差喜西成近家家足稻梁

於章傑

家別倪二

印元

時正得

章傑

書

一別忽五月相見歡有餘空齋風雨集落葉盈階除天
末有故人遺我尺素書開函見顏色幽懷一以舒何爲
長太息太息復峙嶠相憐皆老大日月去不居借問遠
遊子何日歸田廬我來未暖席我行已脂車君請勿太
息太息徒愁予

秋懷四首

別君一匝月思君九迴腸清風西北來白露吹爲霜階
下何粲粲秋花日以黃感茲節序改令我懷抱傷羨彼
雲中鳥雙飛共翱翔幽懷將語誰涕下空霑裳

去去復去去戒途屢回顧淒淒復淒淒明月照廣路年

華逝不畱別離經幾度紅顏懼朝槿豈能長如故願爲
比翼鳥雙栖中庭樹

枯樹生道左上有雙慈鳥小鳥何啁啾翻飛相含哺風
來巢欲覆弋者復張弧嗟嗟毛羽鍛何以將我雛叢蔚
可遠害安用懷故都卵翼待其成庶幾報勤劬勤劬日
正長慎保千金軀

孤竹生崇岡裊裊枝葉稀唐蒙延蔓起嗟彼生理微榛
莽多虺蜮霜雪交橫飛孤竹不自保唐蒙將安依天意
苟如此何用長歔歔

慈相寺看雪

何人夜半引竹弓粉點彈滿青芙蓉朝來乾鵲瘖不與
更無寒日生曠曠牆頭數峰看不足尋聲欲訪閣黎鐘
晨餐未飽入山去舉趾不似平時慵空林恁率自作響
殿閣高下誰覺重山迴路轉見蕭寺巾笠不與僧離逢
短橋流水迷近遠詩情畫意爭淡濃落葉已盡失丹榭
寒柯未改知蒼松眼前好景取不盡綠尊紅袖輸孤筇
吳羌山隔一城水山椒尚有愁雲封欲登竹閣一放眼
來朝蠟屐誰能從

慈相看雪霽

晴雪明遠峰空林散初旭野橋無行人平岡快遙矚幽

人殊未偶寒泉咽遺續

臘月望夕霜月佳甚夢戴荆部

別君三百六十日一日思君一百回多少故人明月夜
何人夜半夢中來

武林道中夜雪

清絕敲篷雪離懷一夜新深閨燈暝後愁殺夢回人
寓館招倪三夜話

翻覺傷心極今宵覲面新崢嶸燈下影慘淡夢中身苦
茗供人醉寒花笑客頻春江經歲別風雪滿關津

同人祭蘇公祠

春風何不來芳信阻寒梅一瓣香誰託千年鶴未回樂
天鄰北近淮海歲時陪惆悵尋紅藥偏遲十日開

李大

堂

倪三

稽孫

汪三

家禧

湖畔送行歸舟賦

湖山不放行人行故人送我歸帆輕
畱人送人一回首欲歸不歸空復情
紺霞乍滅日向晦風颭微燈光半碎
嚴寒水宿欲折絛一夜繁霜壓篷背
荒雞啼罷星漸少轅門角聲警
栖鳥湖山望斷況故人寂寞推篷向清曉

憶章傑

惜別津亭上畫船滿溪雨暗綠楊煙
馬蹄北去隨秋迴鴈陣南翔入夢懸
臘酒味醲殘歲盡梅花香冷早春前

五旬風雪鄉書絕聞道河冰近更堅

里門對雪

吳羌山雪看曾飽孤艇歸來雪又飛屋角山頭連夜白
水邊梅信隔年稀天寒小市魚鰕貴日莫空江鳥雀饑
一縷炊煙蘆荻暝釣船生計未全非

憶山居

一天暮雪壓簷端獨對清尊遣悶難隔院老梅春似夢
空庭凍雀靜無歡愁人擁髻嫌宵永穉子蒙頭怯早寒
風味山居差不惡巢林容易借枝安

野望

野望意騷屑傲裘支朔風寒波平極浦飛鳥沒長空茅
舍門多閉危橋路半通春牛隨臘雪應驗隔年豐

梁學士文於丁卯之秋重宴鹿鳴

溫旨晉秩有紀

恩書懷之作手書見朕未及奉和歲暮索居謹次元韻

寄呈

鄭重絲綸下九閭

先皇侍從拜 龍光書名趙董推前後經術盧餘姚錢

嘉定論輩行春草夢回餘一个元唱可惜弟兄雙折桂

少詹弟少司 秋風戰罷又三場定知梅菊非凡品玉蘂金英
空也

晚更芳

辛勤硯削徇吾徒手未支離眼未糊

手未支離眼未昏先生謝客詩句

舉校詹看齊德耀

汪恭人長先生一年

著書心早付官奴

少司空長君諫

菴文學爲先生後諫菴所著有史記志疑等書

斗山聲望

朝端重縑素光芒

海外徂聞道籃舉湖畔過有人錯認是潛夫

浙西盛事記丁年

雨露公家特地偏

曠典再遺千叟外

乾隆乙巳嘉慶丙辰千叟宴先生均以在籍未及與

國家兩開

殊恩獨占十人先

吾鄉重宴鹿鳴在先生前者十人恩詔加銜自先生始

雅歌此

日勾模徧桂籍他時掌故傳佞佛從來嗤白傅心香端

奉

至尊虔

優禮居然漢五更 天家車服重桓榮武公書學賓筵

戒平子思元性行旌上苑羣仙皆後輩空山老衲定前

生次虛中公曾爲先生作僧 度行看子題日過去僧像 江南多少詞人在 朝瑞

無忘詠 太平

除夕感懷

忽忽三冬盡迢迢一歲過椒花消夜永柏葉釀愁多舊
事增於邑中年涉坎軻無才承父祖有命託風波骨肉
弦離柱光陰錦擲梭誰憐鸞翻鍛祇恐虎牙磨隻影悲
孤露他年避網羅身從慈母乞罪任世人訶厄運龍蛇

免沈痾犬馬瘥新來歡會短聊共醉顏酡爆竹連宵鬧
春風次日和深閨應寄語破涕正高歌

庚午元日立春

爆竹千村響燈花一夜新檐留隔年雪人醉歲朝春詩
筆拈來健香醪分外醇故鄉雖寂寞猶戀舊比鄰

做裘

鞞在毛安在襟殘領亦殘恥同狐貉竝曾比肅霜看
經秋曝那堪禦曉寒披裘思往事灑淚豈無端

新被

一枕思鄉夢何由到黑甜美非同錦爛溫不怯霜嚴記

取宵寒劇親勞玉指織囊中木棉在珍重爲君添

倪三過訪山居再信而歸賦此送別

春風吹行雲到我溪上來溪上有草堂暗香闕寒梅春
情鬱以紆春思空徘徊顏色久枯槁一笑爲爾開看水
復看山到眼皆新裁放浪亦何爲歌歎良可哀聽雨夜
話舊悵悵中心摧雲行無滯跡歸傷山之隈誰向空山
中高築黃金臺勸爾渡江去期爾春暮回珍重好鬚眉
勿汙世上埃

贈倪大 鑑澄

兒寬帶經何不鉏卻來賣酒北郭居誰可與言合抱樹

聊以自娛盈架書門前一道寒澗落屋角四圍青嶂疏
相從把臂得奇快時有高論來起予

六月十三日先人捐館之辰書以志痛

生年卅有八喪父已十年嗟哉十年中所遇多屯遭蝗
虺在牀第胸掖搯戈鋌無梯弄碧落無穴逃重淵不惜
門戶毀所貴身命全訶詢豈云免薄俗工瑯鐫避地傍
巖壑沈痾暫時蠲今年積梅雨溽暑六月天中旬第三
日先人館舍捐三千六百日音容隔黃泉黃泉已滅識
冥漠長安眠靈兮如有知能無泣血慙哀哀呼阿翁再
拜陳几筵彊食彊進酒毋爲世故牽興衰若循環成敗

茗茗海上月遲遲上東牆高樓一何峻相對遙相望
流光入綺疏鳴琴發清商羅衣薄可鑑中宵有微霜
寒蛩何所苦唧唧聲不揚唧唧復唧唧美人心獨傷

送沈四格之濟南

回飈振羣木萬葉辭高空送君遠行邁悠悠岱之東
琴尊豈無感尺素猶可通春草明年綠陌上望青驄
結茅北郭外煙霞伴朝昏寥落風雨夕唯君長叩門
相見可忘憂對君勝樹萱小別儻經歲此懷何可言

里門感事四首

秦人視越人肥瘠何關情關弓而談笑射者非其兄
嗟

子更坎圻危屢獨力撐骨肉以膜視鴻毛無重輕消膏
火日迫吾亦厭吾生

治絲絲益亂止沸沸愈揚空以百歲憂攪此九折腸悞
日如車轂割愁無劔鋌悠悠行路人相見驚老蒼撫鏡
不敢照相對徒心傷

有苦不能言瘖人茹黃蘗有術無可施神符被鬼竊手
握太阿鋒會見十指折置身爐火上倉皇避無穴十年
數遭際欲詡語先咽被髮入空山悔不早自決

誰謂河水廣杭之一葦足誰謂冬夜長羊胛煮未熟先
號後或笑剝極庶幾復蒼蒼豈無因使汝羅慘酷種德

非所能補過理宜速能知伯玉非莫就詹尹卜

得嘉興馮秀才

題書

鴛湖有故人兩載不相親錦鯉隨波上瑤華入手春寒
山秋見骨遠水澹無垠此際柴茨下離愁一番新

蠡山看紅葉題范少伯廟壁

清霜著地無顏色染向秋林深淺紅半壁寒潭收返照
一山修竹亞西風隨身笠屐幽尋愜俗語丹青舊事空
欲起鴟夷問遺恨五湖煙水正冥濛

經烏山許蒸簡公故第所謂德清山館也

德清山下尚書莊蠟屐經過草樹荒大厦只今畱廢礎

清風依舊滿寒塘
兔葵燕麥春無迹
虎氣龍身夜作芒

重問敬和堂

恭簡有敬和堂文集

野菊

金錢散漫綴籬根
野菊紛然發滿園
五夜清霜支傲骨
一庭涼月罨冰魂
秋容試較美人瘦
真意欲忘高士言
愁絕華筵燒絳蠟
零星絲竹後堂喧

郡城歸櫂畱別沈二

哇

倪二

印元

周大

中孚

奚

大疑

張三

文裳

高大

錫蕃

避地吳羌歲月賒
相逢草草漫驚嗟
無多舊雨秋如許
幾度西風鬢欲華
香火因緣歌伐木
雲龍蹤跡惜搏沙

寒宵霜滿城南路餐飯丁寧努力加

惆悵詞

并引

爲徐秀才

球

作也秀才喪其妻袁夫人

淑英

屬予

賦之其詞曰

三五明月盈畫堂相對雙影清四五明月闕終古人閒
照離別明月乍闕盈有期生離不若死別悲禮華嫩藥
一朝謝聽我長歌惆悵詞惆悵新詞爲誰作筆牀硯匣
增蕭索城北徐公正少年永逝文成淚雙落當年消息
阻銀河咫尺靈槎水不波乳燕銜泥雙宿穩夫渠出水
竝頭多鴻妻萊婦真佳偶春蕙秋蘭得良友誦詩早廢

二
蓼莪篇入廚小試羹湯手層樓一角俛清溪隔岸青山
眉黛低長傍明燈催夜讀剪刀聲斷聽鳴雞傳來韻事
閨中足不那天公妒清福繡葆新添掌上珠雲鬢早折
釵頭玉電掣風馳只五年香銷夢斷隔重泉珮環一去
隨黃鵠風雨三春泣杜鵑只見風吹花墮蒂不見東流
水西逝富貴神仙盡可求瓊枝再見終無計願託丹青
與返魂披圖長儼伴眞眞多情定屬眞名士短命知非
薄福人花似非花霧非霧江南徵徧瑤華句鸞膠便遣
續離絃自是新人已非故手把黃花勸一觴願君百歲
壽而康神傷慎勿同荀令祇恐泉臺欲斷腸

得金谿陳明府琚常山書卻寄

清淺臨溪水天寒上鯉魚瓊瑤隨驛使消息到山居
贈策三秋暮傳牋一月餘影憐黃菊淡香借早梅疏竹
徑泉流咽松門月上初思君無限意珍重數行書

送郎二秀才森

撲面霜風急河梁獨問津滄波隨櫂遠孤月向人親
回首庭闈老關心燕鴈頻畱君竟無計此意媿比鄰

寒夜與許秀才元崇袁秀才洽熙集戴學博作

霖齋中小飲復同出北城看月作

人生快意君試數富貴神仙一坏土不如日日飲美酒

破悶全勝萬鈞弩酒杯在手月在天眼前風景真可憐
寒宵對月自斟酌不須更照花枝妍坐中難得同心客
草草盃盤陶永夕此時不飲對空尊百歲光陰盡虛擲
金丸淨浴銀波冷倒瀉清光千萬頃酒酣呼月入盃中
舞亂空庭荇藻影月明愁向城中看卻出山城夜將半
千林葉盡貯空明屋角寒山數峯斷對此眞愁清漏移
歸去休歌白石欄野霧冥濛山月低城頭柝靜風淒淒
喚起常娥展精彩爲我送客溪東西

長至後許秀才

元崇

招集草堂卽席分牌聯句

嚴寒正凌兢

徐養原

微陽始萌茁

元照

刺繡綾欲添

戴丙

驗晷

景猶疾原養草堂具尊酒丙春風生文室元四筵靜無譁

丙清談霏玉屑袁洽微醺卻重襦徐遠情寄遙瑟照裙

屐憶昔年洽萃蒿欣此日原養盤飧媿粗糲元心素慰飢

渴照感茲歲華晏洽坐覺風景別元一枝旋吐香照千

山遲飛雪球織雲斂高穹原養澹日下林末照歡悰旣云

愜元吟興殊未歇照遲遲銅鉢催丙凜凜金谷罰元狂

劇驚兒童丙勝槩雜仙佛球風流六人共元緬彼竹溪

逸球徵逐非所宜原養盍簪良可悅球聯吟詠清集原養媿

乏江令筆球

臘月三日始雪

羣雀噪叢薄同雲四野羃北風大作寒巧抵紙窗隙黯
黯天欲暮幽篁漸淅瀝微雪下空林繽紛入簾帟散空
花自旋墮地素未積瓦溝閉炊煙牆根澆蘚石清愁盈
懷抱對此一時釋隆冬苦乾旱萬彙損滋液眞宰卹物
情乘時下膏澤來年預可卜豐穰無疾疫但願沈痾除
更得飽飯喫黃金雖可貴此樂殊不易殷勤告婦孺煦
嫗慰滿寂火爐煖衾裯油燈罷刀尺四體縮如蝟積然
委牀簾夢回五更盡起看遠峯白

春夜有懷倪三卽寄題高山流水圖後

山高高高入雲山下鶴鳴聲不聞水深深流不極蛟龍

夜舞滄溟黑天生奇材定何用秋月春花恣嘲弄無端
下筆驅風霆有分終年受飢凍賣文不見一錢直嗜酒
誰將千斛送天涯落魄東復西枳棘如何宿鸞鳳寒宵
欲呼夢隱子汝今飄蓬徒爲爾江路風雪梅花開浩歌
何不歸去來窮途不恨人情薄只恨饑頭風味惡隨身
酒債多於詩歸來依舊垂空囊嗟我與爾當少年立名
應在他人先悔不熟讀兔園冊置身直上青雲顛苦吟
禿盡生花筆潦倒空遭俗眼白故人相見問頭銜喚作
江南老詞客可憐詞賦動江關轉覺年來行路難鏡裏
十年添白髮尊前一笑誤朱顏結交空復滿天下名士

何人辨真假，妻孥愁絕。塵滿甌陌路，誰憐繭生踝。思君終日心，情勞松下綠。綺生秋濤，知音我亦恨。寥落草堂遲，爾開蓬蒿。

同人祭蘇公祠

孤山山下幾經過，歲歲衝寒拜老坡。把手故人憐契闊，關心梅信怕蹉跎。水仙祠古靈風靜，處士墳荒夕照多。臨去湖邊重回首，雙峰相對斂修蛾。

呈梁學士丈

鸞飄鳳泊酸齋字，先生齋中以丁徵君龍泓所模貫酸齋書山舟二字爲額不見經

年態倍新案上博山爐。欲活階前畫帶草，初勻倚牆閒

殺竹尊者入坐欣逢石丈人
至竟公家春信早寒梅
外已精神

雪窗與倪大鑑澄夜話

話到深宵雪滿庭
油燈照影耿疏櫺
殘年共惜駒過隙
涉世眞憐鶴翦翎
擬慰窮愁呼白墮
未消幽憤看青萍
講元寂寞揚雲宅
蠟屐來朝肯重經

雪後遊慈相寺

雪霽尋招提
亭午歇鐘磬
陂陀羃縞素
山容轉明淨
高松無喧濤
平岡朔風定
看山此獨坐
心意兩無競
何事感子懷
樵歌出山徑

雪復作

凍雪欲等伴見，不肯消雲。繁日色薄，風勁寒氣驕。紛紛下霄雪，碎玉空庭飄。折竹聞遠響，幽泉咽清瑤。伏水魚尾定，繞林烏腹枵。濁醪盡一尊，未覺朱顏凋。撫景感子心，終歲空囂囂。念彼繁華子，被服狐與貂。圍爐煮美酒，坐擁雙翠翹。亦有可憐人，寒餓暮復朝。四體戰欲踣，不得飲一瓢。物類理不齊，佚樂難幸邀。君子貴素位，安用多蕭悁。

雨窗言懷

黯黯暮窗下，瀟瀟寒雨零。峯巒微膜白，松桂漸呈青。理

解杜醪妙德慚劉室馨蜀莊非不偶素志樂沈冥

歸舟

殘年歸思切孤艇夜隨風梅信故園早客愁煙水空微
茫千嶂白揜菼一燈紅去住皆非計眞憐類轉篷

夜雨

乍別異縣山來聽故園雨空階聲斷續愁人耿無語夜
深恐作雪歲華已如許

又雪

飢鳥寒不那羣噪集簷牙日暮風如箭更深雨作花苦
吟詩料少獨酌酒材奢生意眼前得小窗青玉芽

除夕

陽鳥融積素轉眼歲華徂竹影當窗瘦梅香入座腴
懸冰鳴脆玉凝酒綴明珠簌熟雲浮甕炊成雪滿盃
暫時忘佳節過此冀昭蘇髮漸看添白顏難更駐
朱處堂悲燕雀依樣笑葫蘆婦淑嗟何及兒癡事可
虞不眠非守歲懷抱獨區區

共七千一百六十七字

柯家山館遺詩卷三終

柯家山館遺詩卷四

歸安嚴元照修能

辛未元日

萬里同雲一色天
歲朝入臘早春前
事如蕉夢思當日
雪在梅籬已隔年
小閣垂簾容晏坐
紙窗炙硯試題牋
閒愁半付東流水
緣底沈痾未肯蠲

對雪懷德清友人

人事清閒甚
終朝支枕過
病偏嫌客少
雪竟比愁多
詩興依泉石
懷人到薜蘿
聯吟應念我
歸櫂怕蹉跎

獨坐十韻

獨坐聽消雪清聲滿畫簷忘憂聊把卷避冷怕開簾酒
戶生來狹詩城病後巖澗芹香可荇畦韭嫩宜醅日以
三餐遣宵唯一枕甜知難隨蠖屈遠禍學魚潛才覺年
俱減貧將病與兼生涯同偃鼠心事寄圓蟾夢去憐鷗
鷺愁來攪米鹽寒溪冰未泮歸楫暫時淹

人日

斗室藜牀著病軀身形竟與鶴同臞隔年殘雪畱痕在
此日簪花得勝無香點梅梢春信近暖生柏葉午晴蘇
來朝又擬臨溪去盼殺溪邊舊酒徒

穀日至山居卅韻

窮冬冒風雪扁舟返田園善愁更善病畏勞甚畏寒一
室坐十日有如僧閉關餞歲正迎臘含悽對芳尊歲朝
日晏起拜跪手足攣俗禮悉屏除聊與筆硯親大雪滿
天地重陰閉朝昏雪止風亦定一夜谿冰堅山居歸不
得閒殺溪上船我來戀桑梓淹久非所難昨朝茅屋東
涌出扶桑瞰涉叩喚舟子理檝溪之濱隨身書一函配
以寒梅益篷窗真韻勝晏坐陪冰魂投篙激碎玉一路
鳴佩環縞素綴浦澈倒影明漪漣舟出錢家潭闕山當
我前樹石露斑駁粉本誰所傳白鳥不知名掠水隨風
翻清景落吾手對此心曠然溪回日欲暮野岸生炊煙

片月上天中舒彩來照人到家人未睡婦孺迎闔門竹
桂亦悅豫泉石瀰清溫翦燭話深夜中庭雪月妍我如
巢林鳥一枝聊可安憂患經歲月意外畱此身此身幸
長在弗暇嫌病貧春風發紅鄂春山多白雲吾將擷芳
彩持以媚嬋娟

十一日立春前一日作

幡勝當頭酒入脣辛盤草草又經旬簷端還是去年雪
花信不知明日春紙闌蘆簾尋舊夢藥鱸經卷伴閒身
朝來擁褐山窗下看試梅妝一餉新

食芹

山廚絕甘鮮荒畦乏嘉蕪楚葵新入市買來三五莖
根白勝銀短莖青若玉中空質不堅節疏遞相屬寸斷
漉以醯微瀹不教熟齒牙出脆響七箸挹清馥品宜早
韭冠香合嫩蕪伏何須膾春鳩孤行亦已足盤殮得長
供永擬謝鼎肉

懷沈二畦

青山成獨對蒼莽忽思君藹藹玉湖月依依金蓋雲早
梅侵曉發幽鳥及春聞未遂平生願相從學耜耘

元夕雪

幾家珠箔自飄燈景物教人那不惜五日春風剛料峭

一天暮雪轉淩兢忘形歡伯交非俗照影蛾兒澹若僧
妝閣定知梅信早有人深夜畫闌凭

冒雪訪徐秀才

球

小飲溪閣

南山崢嶸壓溪白玉龍狂舞動空碧畫本何人翦素綃
展向溪窗破岑寂疏簾不卷風泠泠此中有人愁未醒
消愁百物無過酒對酒丁寧莫放手

題徐秀才小影

臨風玉樹森千尺之子風神尚圭璧熏衣鬢面彼何人
自有清光照瑤席朔風吹雪滿溪樓憶君臥病樓上頭
當年詠絮人何在空對闌干一段愁

得倪三春前手書約過卻寄

既看春燈飄復看春雪豔春波虎林棹頗關故人念蘭
藻發早春到眼一句欠養痾支木榻展書得箴砭知爾
去年遊清秋大江泛初同孝廉船旋隨使星瞻關津風
雪壯蕭然往無僣層冰合吳淞六日阻歸帆還家歲華
改塵土傷顙顛卸裝婦孺笑身外祇長鏡遊蹤具梗槩
羈愁可一驗春風吹短夢草堂見鬚頰襍被將首塗裁
牋先附嫌夜寒別溪橋經歲虛枕簟雲行豈無情雨來
定非訪竹院花離離梅階月灑灑芹根出水新松葉入
春醲新詩倒囊匳怪發萬丈箴排悶積若牆割愁利於

劍清氣入肺肝餘事論華贍
膽氣我本麤筆陳爾將歷
行當學君苗迎爾主壇坫

金匱楊上舍

夔生過訪

江路連朝雪梅花殊未開
春風如有約先到草堂來

送楊上舍之杭

春雨歇復作梅花滿溪津
春風一盃酒相呼隔城闔
別離已三載晤言才及旬
又隨片雲去此情何以申

片雲空際鮮嬌彼西湖水
春風盪湖波新綠漲瀾瀾
漁磯雙白鷗清夢呼不起
昔年桃李花零落委泥滓

倪三過宿山齋聽雪有作
次日夜話卽用其韻

山房二月春風清梅枝臨水斜復橫雲隨孤鶴有歸意
風拂素琴無疾聲對酒鬚眉欲飛動傾囊詞賦能老成
中宵聽雨話不歇竹葉打窗知此情

又用韻

道人骨相冰雪清酒邊意氣真縱橫孤鴻際天漸無影
巨石激波猶作聲景色江南自駘蕩文章庾信空老成
燈花欲落默相對中有茫茫千古情

倪三告歸又用韻送別

花朝風日轉淒清溪畔扁舟一葉橫江路看梅春有信
客窗聽雨夜無聲才名我漸因人屈貧賤天將玉女成

林外鷓鴣啼不住一尊難慰故人情

題倪三海鷗日記

海鷗蹤跡記年年多少閒愁錦字牋又見江南春草碧
泥人清淚落尊前

里門喜孫六憲儀過訪

門巷靚春晝索居無好懷莓苔新雨過一夜上空階之
子眷天末片帆停水厓頓蠲愁緒盡勝對酒如淮

寄李大_堂邗上

江南春好勝江北底事揚州動行色輕帆卻指餘不溪
黯黯春陰歷溪黑山禽有名迭相喚落花無聲飛復息

敲門拄杖鳴鏗然芳草連天日初吳堂前修竹碧玉護
對客亭亭未相識徘徊欲去那忍去珍重空畱數行墨
孤權歸來上巳前風雨淒其過寒食木榻夢回展素書
東望浮雲淚霑臆平山堂上春風生滿眼鶯花惆悵極
勸君進酒莫思鄉且仗清詞破啾唧

題畫豬 并引

爲歙縣程秀才 洪溥 作也秀才生於亥故畫以乞

題云

魯史已亥不可詳校書能事推卜商仲任著書論物勢
辰屬之說見 論衡物勢篇 信知此理非冥茫平生意氣程公子不畫

龍鸞犀虎兕眼前突兀大蘭王九錫文成說彼美畫師
自是通神者能以彭亨見蕭灑戴嵩之牛韓幹馬紛紛
盡出此豬下

秋夜對月有懷沈

畦 俛 卽元

兩秀才并家上舍

章傑

商飈報秋節關暑忽已徂虛堂安枕簟夜久涼生膚草
蟲不自聊切切鳴庭隅寧帷出闥闥攝衣步前除迢迢
雲閒月皎皎如可呼寂寥獨顧影幽懷誰與舒寒暑如
轉轂流光不我須志業一未酬白髮早滿梳因之發長
喟邈焉懷彼姝窈窕十錦塘蕤香雜去棗輕舸沿藝岸

煙水狎鷺鳧轉濶已陳迹紈扇日見疏紅衣旣搖落蕭
索到井梧合并日苦短栖遲歲易速嗟彼遠遊子三載
違故都行役何時畢田園日以蕪寄語同心人丹青慎
弗渝

逢勞五

經原

谿畔逢勞五三年一曠過垂楊復搖落君子意如何煙
水新愁迥鶯花舊夢多平生知己淚努力慎風波

過戴灣趙侯廟題壁

里人奉松雪
爲土穀神

白雲飛不去終日護禪關掃地聚紅葉開窗當暮山藥
畦霜後淨齋鼓晚來閒欲問陽林客何年化鶴還

松雪
昔於

此地營
陽林堂

同徐明經養原許兵部兄宗彥遊慈相寺同兵

部作

良辰勝引二難并又喜香林在近坳一片殘碑詩半泐
千年華表鶴曾經滹泉有脈通新乳叢桂無花挹古馨
南澗東萊皆寂寞清詞畱乞慰山靈

寄題奚上舍榆蔭樓

曲曲溪回小小樓當樓清蔭照溪流樓頭鎮日重簾下
不爲看山不上鉤

簾蘖倒影碧波閒占斷城南水一灣我已移家長作客

煩君管領故鄉山

玲瓏四面敞文紗
一桁殘陽柳外斜
莫悵扶疏遮望眼
滿川愁殺白蘋花

送別

荻荻霜風晚更悲
銷魂正在暮秋時
谿邊楊柳看搖落
猶與情人縮別離

題香國同心冊 并引

木瀆周氏塔影軒
書蘭蕙多佳種
擇尤佳者各十
六品命工續其狀
繕成巨裘
夢隱道人題其端曰
香國同心周氏主人遠寄徵詩每幅各系以一章

云

千竿修竹掄亥久一樹寒梅託契深不及凌波羅幃好
更從香國結同心

潘氏水仙

姑射仙人下玉京似無情處最關情傷心千古靈均賦
不信丹青寫與成

常熟葉氏大雪
肥瘦適中品之最
莖葉深碧色心白
最佳者

玉骨冰肌借品題春心不共絮沾泥幽香幻入孤山去

未便輸他處士妻

社壇徐氏綠梅

天然禮豔怡相宜未厭燕支澁玉肌曾記鬱金堂下見

箇人微醉倚闌時

常熟紅梅

玉骨亭亭又一奇和風清露惹相思靈根愛傍空山老

采向人間卻是誰

曹氏白花

一斛明珠換麗人可憐金谷忽成塵百年遺事修花譜

翻使劉郎笑季倫

綠梅相傳有劉氏子少孤露於虎邱得此種因以資其生云

幽香一縷返冰魂畱得當年泣露痕曾向鷗波亭畔住

知心千載有王孫

趙氏梅瓣

雪衣相映碧紗廚領略空香澹欲無隨意評量難著語
此花真惜性情孤

洞庭席氏白花

韓公祠畔風露涼一叢綠玉生空香黃金不惜買歸去

辜負碧山春晝長

韓公祠種

謫向塵寰只一年小梅名字占芳鮮憑君莫漫嫌嬌小

斗大葵花也可憐

石氏小梅

係庚午年新花花朵絕

紫莖綠葉多奇瘦生面重開不偶然愛聽沈郎沈醉後

燈前抵掌說談圓

談圓 賣花人談姓所種圓瓣花朵極大沈孝廉小宛題語有魁奇獨出

之目

幽蘭合與寒梅竝華鄂何須較異同偶爾翻新成剿襲

最無才思是春風

朱氏小梅

較石梅花朵稍大

侵曉湘簾卷曲闌養花清露怯初乾玉蕊摘向釵頭去

試與宮妝比較看

程氏梅瓣

荏苒華年一瞬過半生心事惜蹉跎東陽大有蕭愜意

不及曹公醉夢多

董氏水仙 沈孝廉題語云云又云曹生已醉不解子語騰騰欲睡矣

品兼雙美成三絕如此才名不易居一片白雲春水隱

有人終老伴樵漁

梅瓣水仙

差排名士作重儷誰遣芳名喚二梅月且無緣到空谷
當時真悔出山來

二梅之

品在柳綠梅下故云二以別

右蘭

一旗初展報春來小試龍團日幾回攜得龔家新樣子

碧窗斟酌看花開

龔氏水仙茶具者

夢隱題云龔氏有善製

種花人自愛花妍那分他年姓氏傳辛苦著書供覆瓿

不如歸去締花緣

王名揚素

以人姓名名之

海棠空自傳西蜀杜老曾無一句詩烏目山前老詞客

教人錯恨不同時

常熟葉氏荷花水仙

泣露籠煙一段愁，被人評泊說風流。憑君莫笑汪家白

辛苦，年年學海鷗。

汪家白隱有海鷗

日記

觀夢隱題語感而作此夢

呼馬呼牛豈較多，誰言雅俗不同科。道人多事生分別

香草何妨號萬和

荷花水仙以萬和為號

得自閩門萬和號店因以其俚也改稱萬

荷云

霜滿空江月滿林，七條弦上意深深。凌波仙子渺然去

夢醒不知何處尋

大水仙

和夢隱韻

漏泄春風亦等閒，春情常恐為花慳。何人長得君王寵

錯向深宮怨玉環

常熟葉氏紅梅

夢隱題語云云

明珠換得玉無瑕，珍重春來一箭花。傳語南遷黃太史，

不須惆悵小民家。

處州梅瓣水仙。山谷水仙花詩可。惜國香天不管。隨緣流落小民家。蓋

爲荆南一女子而發。其女後歸田氏作侍兒。山谷既歿。其客高荷見之於田氏。請於主人采詩中語字之曰國香。以成山谷之志。復與汝陰王銍賦國香詩以志其事。詩皆絕工。事載夷堅丙志卷第十八。

春風得意試新妝，瓊絡隨身百和香。自是卿能修豔福，

一生從不識淒涼。

常熟葉氏荷花。

路入荆溪指翠微，輕煙漠漠雨霏霏。流泉石上添幽咽，

應爲春歸人未歸。

宜興閔氏水仙。

詞賦曾傳帝子靈，綠蘋白芷配芳馨。何年輕別湘江水，

夢斷君山一點青。

湖北陳氏白花。

名花端合依名士天遣周郎對翠蟾

月儀風貌在吳縑

翠蟾 儀進士

種出宜興周進士保緒家月

襖杏天桃滿路香牡丹勻藥太昌昌如何消得東風妒

且試春來淡淡妝

萬氏梅瓣水仙

鴻爪曾留印雪痕秦梅春好暫溫存虎林詞客飄零慣

韻事今歸塔影軒

秦梅

夢隱題語云云

餐風飲露記吾曾匿影銷聲惜未能空谷何年呈色相

被人描畫笑廬陵

顧氏大水仙

佳士相逢始寫真君家績事本無倫卽今香草開生面

不獨梅花有喜神

曹蓮

此二冊曹伯可畫此蓮瓣白
花卽伯可家物宋人宋伯仁有梅花

喜神譜

右蕙

聞戴刑部敦元丁憂回籍賦寄

閒雲出山不可喚
落落孤蹤寄遊宦
燕子西飛流水東
一別忽若無此公平生
入骨愛友朋
大兒小兒誰服膺
九原古人瞑不起
莽莽白骨纏枯藤
青天萬古一輪月
照我槎牙肺肝熱
關河相望悲阻深
談笑昔年空激烈
聞道素冠出都門
秋風送君歸故園
相思一江斷魚雁
相見千回勞夢魂
草堂夜半對尊酒
屋角寒芒墮星斗
浩歌一聲聲繞梁
驚起飢龍半空吼

懷汪三秀才

家禧

叢篁掃牆北風惡荒城無人夜催柝油燈照影慘不樂
窺門山鬼笑寂寞蒼茫中酒思故人江湖飄泊多苦辛
撐腸有書五千卷餬口無米三百困平生讀書味道真
何事乃干真幸噲青衫一片顏色陳半生不信錢能神
寒波卷江天地閉蕭然登樓獨危涕長歛歸來何不歸
嶺上寒梅著花細歲闌那不悲故鄉可憐飢雀栖空倉
憑君莫著窮愁賦不見當年盛孝章

里門歲晏述懷

愁雲羃華屋密雲飛空階悄然思遠人翠袖金爵釵育

子力已殫安居願未諧
撫鏡對寒豔遙知無好懷
相於不覺樂小別方知難
渺渺衣帶水如隔千重山
青鏡妒芳澤日夕移令顏
豈不愛膏沐幽居良尠歡

除夕大雨

又見年華一度新
長廊清夜雨聲頻
只消一覺梅窗夢
已是平頭四十人

壬申元夕

今年寒雨去年雪
風物元宵總不歡
記得當時湖畔宿
春山如畫月中看
己巳元夕宿西湖表忠觀

倪三夜宿山齋聽雨聯句

翦燭聽春雨

元照

重來又隔年離
初慰藉

孫稻

情話轉纏

絲酒許頻呼白

澄鑑

書慚未草元
新菹雪裏蕪

元照

乾鱗落

頭鮮杖屨童烏撰

孫稻

槃匝絡秀便幽居
差寂靚

澄鑑

嘉客

惜流連蹤跡雲萍聚

元照

行藏猿鶴憐論交
吾道合

孫稻

懷

古此心虔尚阻看山約

澄鑑

空留覓句緣支離
枯木榻

元照

狼籍畫叉錢梅信江鄉早

孫稻

風光驛路傳驪歌
催緩緩

澄鑑

帆影去翩翩遠道迷青草

元照

清愁寄杜鵑燈昏人未

倦

孫稻

遣興擘朋牋

澄鑑

登城看新漲

步屨隨春草登城趁晚晴
溪聲喧碓急山翠壓橋平
詩

費年年改漁舟故故輕滄浪清可濯吾欲解塵纓

題程氏山房

林亭依翠麓清響石泉聞一徑薜蘿暗四山髮髻分
梅殘簾外雪竹養檻前雲愛此幽窗坐平岡日未曛

同李大

堂

龍興寺觀唐開成石幢

香林隱闕閣浩浩市聲合嬉春集遊屐此地轉蕭颯千
年尊勝幢漠漠蘇痕沓無緣慰心素今茲喜簪盍一徑
叩禪房落花滿塵榻古佛情無言殘照挂壞衲孤標卓
牆根摩娑禮百匝時代遞分明

有梁宋元明及
國朝重修年月

筆陳

見開闔眼福獲饒益塵慮了無雜高僧失遺蛻瓠葉

偽塔國一大師塔據丁龍泓詩已云不知其處則今所存者偽矣啞羊解何事下語
強喙嗜清遊誰證明一笑指栖鶴

登興福寺樓昔年傭書所寓也

百尺危樓俛菜畦壁閒畱得寓公題老僧已死一春盡
階下落紅空作泥

同戴刑部丁提舉李山人重過畱鴻館試茗話
舊寄倪三

飛絮飛花舊酒罇重來鴻影未全孤丹青欲喚雲林子
別寫春宵試茗圖

湖畔坐雨同戴刑部李山人

雪淡湖光一舸開青山三面失樓臺啜茶盡日不歸去
看雨此時誰解來大好畫圖畱粉本最難消息是詩材
漁根響斷菰蒲合又載跳珠萬斛回

戴荆部一別三年鬚髮鬢然三寸許長矣憶昔
年曾爲作勸畱鬚之詩不覺一笑賦此示之

戴侯三載不相見聞說新來鬚滿面相逢一笑舊時人
心素不隨容貌變離離坡竹根堅牢而今不煩待詔刀
畱鬚之詩悔出手贏得旁人笑公醜

賀梁學士丈病起應何秀才

煩之屬

天畱一老明湖邊行年百年差十年靈臺匹如古鏡淨

身城應比巴蕉堅別公一年心悵悵客冬忽聞道路傳
生瘍於項大於盃測之以臆無萬全賤子早歲蒙愛憐
平生私願爲執鞭恨無紫金丹一合俾公平地沈痾蠲
支離一榻睡不便春風有力扶華顛菱花吹盡復新好
有如霜棊回春妍公之盛德自天祐葭苓豈假奪命權
神物夜半爲湔祓奇功豈許人貪天竭來謁公拜牀下
無它無恙意灑然高閣晝長綠蔭合藥鑪輕颺飛花煙
手書塗改畫豬句先生手錄拙作題畫
豬詩并改訂數字惡詩豈足煩瑣
鐫零星閒話皆掌故惜無侍史隨手編觀公鬚眉秀而
潤令我手脚輕欲旋何三侃侃徵詩篇潑翻墨汁塗鋪

牋何來大筆如修椽貌肖平地家居仙

先生有此
五字印章

孫六

憲僕

書來告將有河間之行既荅其書附

題四韻

垂楊罨春江斷腸一色碧如何同懷子復此遠行役贈
行出苦言片紙託肝鬲何以慰我心君子慎所適

桂菌

山窗有老桂枝葉紛榦榦八夏積梅雨膏液鬱而陟槎
牙生皴皴皮傳漸癩蝨忽焉出菌蠢如花著枝鞞或圓
小若錢或匾大於間層層香雲蓋一一玉色瑳扶搖鱗
欲動重疊石將墮無堪作餅供聊可慰頤朶空庭蹋苔

莓清曉親揀捭漬以井華水燎以新榆火合配櫻筍佳
不說豬肉可小兒饞欲啼老饜笑而歌入饌洵口福取
餘非木禍咄哉王武子庖廚臭肥脰養生汝何勤多殺
物則那豈若山人清供勝脂膾笑彼膏粱客下箸問
拾沒

沒母果切不知而問曰拾
沒見集韻三十四果部

謝人饋豆筴

十日不見花豬肉藏神入夢鼻莖蹙牆根可憐綠玉叢
幾日南風又成竹清曉剝啄誰叩門滿筐豆莢顏色新
投時徧裹草頭露攜來猶帶山中雲賦毛千里意良厚
辛苦山童赤腳走此情合配梅都官銀杏親題寄歐九

飲倪三所餉新茗賦寄

道人餉我龍井茶色香雙絕言難誇
匿藏三月惜不試
窮裏未破封題斜春風浩浩吹鬢華
坐令春思如亂麻
午窗睡起眼生纈竹閒支鼎烹井花
更煩素手潔茗具
甌以白瓷壺紫沙天關搖動雲液入
不假寸鐵驅睡蛇
支離倦骨一斗藪如鍼起癢符祛邪
書生福分豈有涯
故人情重無以加題詩遠寄非報嘉
更乞山中爛石芽

餘杭釜託菴僧

餉茶筍索書

僧本邑中徐氏子

山僧不習嬾出山販茶筍行雲歸故溪
暫卸一帆穩叩門求墨妙將歸耀林嶽
頗知筆頭燥玉雪出囊稠枯管

忽有神煙雲逐蛇蚓自役以徇人久爲達者哂平生億
萬字寫成一字窘多生結逋負歷劫償不盡供養古先
生大勝雜塵坊而況勞臂指有以慰脣吻日日但如此
請以鐵裹相

閱邸報知長洲徐編修類晉秩學士旋奉督學

安徽之命

西泠西畔路書劍憶飄蓬畫舫三生約黃壚一醉同此
戊年清文竟華國逸翮解摩空當日相知淺疑君老
釣篷

消息問安道

謂戴
州部

說君風骨奇雖然處臺閣還不合時

宜立雨笏人笑凌雲

聖主知歐陽眞學士寧獨擅文詞

顧廣李銳

今何許因之思不勝

兩君昔與學士同寓西湖

鶯花一杯

酒風雨十年燈顏色青衫豔江湖白髮增同岑添氣象
威鳳在孤棧

苦雨雜詩十二首

山中五日雨石徑無人行幽磔益清快抱階環珮鳴山
雲傍巖屏斷續若有情淨洗隔溪山蓓蓓青過城此景
信可悅但慮妨農耕憂國吾豈敢豐年願亦誠

擁衾不成寐展側聽簷溜清音出自然琴筑一時奏斜

風掀五溝中宵滿牀漏殘釭剔復暗兀坐待東秀疏櫺
耿微白雨腳但如舊

非苦又非莎虛堂滿池碧朝來枯木榻點點雪鋪白插
架千卷書觸之手生液槃散病蒼頭灑掃不堪役焚符
告天公陽鳥放曠赫清風盪衆穢吾亦適吾適

斜風藉雨勢浩浩不可當山窗驚午夢急響喧長廊跳
珠滿一庭沙若臨池塘堂前盈尺地婦孺愁欲僵老甕
曉何事瞠目蹲案旁

攝屐下水門

北城水門

倚堞看溪漲水脈百道合衝波再三

妨

南山水至德清南門阻之長橋阻之北門又阻之水至北門已三阻故勢尤湍悍

焮流爭城

出勢若萬馬放青山立兩岸端拱不敢抗漁舟自回旋
亂葉舞相向銀刀千萬億箭激豈容讓可憐有底忙咫尺
失波浪

獨坐悄無侶渺然有所思思我綠疇翁

戴五丈高

三旬隔溪

滑斗室鎮坐兩此時相對誰翁老不耐閒飯飽何所爲
我雖不見翁翁事我已知端坐雪盈頭精鈔劔南詩

龍鍾胡先生此邦大儒裔

胡四丈彰思泉先生之後

行年開八袞喪

明絕生計小兒學句讀薄少將歲幣斜日每銜山歸塗
雙踵曳雨勢晚來惡積水已平砌綠壁下繩牀晚餐進
粗糲挑燈煮春茗片月澹林際

黃昏天宇開星月照爛土癡兒莫浪喜來朝依舊雨

星

照爛土明朝依舊雨石湖詩自注所引吳語云然

吳諺信有徵石湖非妄語我

讀董子書止雨戒偶處一笑屋角鳩聲聲喚其婦

鳩種非一類最恨水勃姑百鳥愛時晴厥性與衆殊值
茲大漏天聒耳喧朝晡既無好毛羽復不工嗚呼蠢然
一身肉長合充庖廚縈繳貫其腹吾將命蒲盧

寂寞北城北窈窕南澗南柳梢一片旗春風搖江潭主
人抱奇尚文事夙所耽叢殘萬卷書一一搜其蟬精牀
隔屋響村酒手自盃客夏幾化魚郭外大水滄入室四
五尺拍拍浮盃恐復蹈前轍攜策往一探書巢徙別

室不知雨意酣下筆政有聲聲若食葉齧

餽大
銜澄

蹄涔一汪水汎汎盈堂坳小兒晚出塾青竹手自措片
葉裁作船小巧誰所教一篙置船頭雙艣安船梢可泳
亦可遊非芥復非膠吾欲從此逝誓將塵累拋

蝸牛亦可憐負殼如負山檻前尋丈路匹若登天難乘
時一快意豎角雙嶺屹積牆徑欲度矮簷勢可攀行行
何日止中道不肯還一朝霖雨罷日出青林端殘涎不
救身纍纍帖壁乾

喜霽戲作俳體

頷髭判爲苦吟盡胸次今緣新霽佳口渴狸奴思飲水

俗以猫狗飲水卜陰晴
故吳諺云猫乾狗溼
翅乾胡蝶欲升階往來一火出
封螳進退兩窮懸壁蝸何計消他好風日呼兒急爲曬
梭鞅

行夜口占

修眉隔溪偃一角蒼壁挂譙畱半稜眼前詩料任將去
只恨別裁吾未能

餉許三表姪李

輕圓甘顆李不盈青竹籠一朝辭故枝半面嬌發紅遺
汝副甘瓜園林賞熏風勿誇樹上鮮已讓白頭翁

鴛湖古僧舍構李畱孤根粲粲綠玉面了了纖爪痕無

由煖飢眼況乃陪清尊殷勤誰致此分減及江村

過雨

卷幔青天闕山山過雨晴石泉添遠響竹樹貯餘清
煮茗鑄初沸調琴軫已平只憐雲外月猶自隔層城

納晚涼作

輕雷隱日色綠陰合桑柘清風愛茅簷惠然過我舍披襟敞東戶蕭爽失炎夏一涼消百慮白羽勞亦謝一笑問此君亭亭爲誰亞

屋後山欲暝散髮臨清池池上有竹林陰陰覆漣漪水深林正茂魚鳥各自私而我亦欣欣俯仰兼得之魚鳥

無外慕所樂能自知人世但營營知此樂者誰

題桐花

青桐香滿樹隔院是誰家待鳳吟朝日垂隄引露華翠
簾人不見山館月初斜省識元郎恨還應問此花

西郭外保慶寺俗傳明建文帝游歷之地也數
年前有長洲彭翰林卽其廢址勅建五雲堂堂
中致南藏經一部未及安置翰林下世仲夏晦
日同倪鑑澄胡來金徐球許延澤入山檢校樂
其幽靚畱連竟日蒼徐秀才作

鷲嶺誰傳無盡燈雲邊重借一枝藤幾人曾識遼東鶴

誤我如鑽故紙蠅繞屋澗聲疑作雨當樓山意澹於僧
疏簾清簟平生話一笑閒愁懺未能

山居述懷寄無錫韓秀才

芸章

揚孝廉

熙之

王

秀才 芝林

一別眞成雨絕天漫言清福占林泉藥囊空蓄三年艾
破硯仍荒半畝田青鏡功名華髮早滄波生計白鷗偏
何時得踐津亭約徑放春江下水船

夏日山居重繕舊書有感

盡日山齋檢校忙從來結習最難忘未能識字圖遮眼
莫問傳經怕斷腸辛苦自憐蠶釀蜜叢殘人笑鼠銜薑

何如換箇生涯去擔糞攜鉏趁晚涼

詠貓

誰云澤吻磨牙直疑天祿辟邪無聊顛勃荷葉有時看
牡丹花

點鼠窺人如賊梁閒頭縮頭伸且付朝餐一飽莫卹人
言不仁

噲鼠有功可錄竊魚微罪奚誅一事當遵約束竹閒莫
撻雞雛

偃月堂中人笑聞說其中有刀欲問何人月且乃蒙一
字之褒

積雨空山

無人與話閒愁我欲試君洗面今朝有

客來不

得章傑

書知已歸家因賦

消息三年隔瑤華一昔通定知詩鬢改猶贖酒顏紅舊

事分明在殘冬雪霰中傷心湖畔路寂寞卷歸蓬去年臘月

謫傳歸里刺權訪之積雪三日狼狽而返

入郡城訪章傑

舟經碧浪湖作

明滅秋山外參差落照分平橋依廢港孤塔閣餘雲暮
帆連天沒微鐘隔嶺聞薺花猶可采吾欲問夫君

尋高明經銓居

秋塘水明漪秋山翠逾顯柴荆瓜蔓上
槿籬花露泣幽人清曉起庭蕪手自翦
叩門欣把手心素折麻展著書橐又易
讀畫心莫遺空階積蘚深疏簾得風卷
開軒面青林曠若坐雲巘誰將此山房
寫八尺幅繭

明月出東城流輝滿方塘高柳作疏響
微螢已無光意行隨月影同上君子堂
堂中何所有一燈耿書牀世情謝糠粃
清言勝笙簧沙禽亦拍拍共此水檻涼
閒階轉絡緯清澈疑歌商歲月如轉轂
嘉會眞逢場抽帆待明發分手增仿傴

畱章傑

家五日辱楊三

鳳苞

高二銓

沈二畦

丁

大如琦 倪二印元 奚大疑 周大中孚 王二獻張

三文裳 高大錫蕃 先後枉顧歸舟賦此以誌清

集

秋風吹菰蘆涼意入清霄
維舟玉湖畔始見翠屏疊
故人別江鄉歲月熟羊腍歸
裘無黃金潦倒一長鋏尊酒
相勞苦塵土尚滿頰平生二
三子元賞意所愜終朝開
竹徑巾笠日三接山光遙映
几墨花紛滿萋疏桐隔院
響五日客心怯悵焉挂輕帆
風雨秋一葉推篷重回首
水雲隱城堞不見薜蘿人
薨花怨歸櫂沈二來訪不值

秋夜

又見生衣換熟衣迎涼薤葉報秋歸
小蟲夜夜勤催織
不道空闈氣力微

倪二病目半年新秋復喪其幼子殆不能堪
章
傑
以詩慰之約予同作

倪生抱幽憂兩目忽焉矐疑神且疑鬼非翳又非膜明
窗好風日如坐百重幕養母藉筆耕將如鮒魚涸平生
金石交爲君悲隕穫幸有兩佳兒昕昏慰寂寞殘氈青
一片故物諒有託幼子氣如虎雖小勢欲攫何無堅牢
質一病秋葉落乃翁慟欲絕命若墜鼎鑊沈痾遭劇痛
便恐不可藥吾家有名士半生亦落魄思以文字力解

君恩愛縛憎吟數百言清響發霜柝吾聞古勇士斷臂
爲遭螫七情賊混沌百倍毒蛇惡聖人治其原節之以
禮樂金仙破因緣此理亦非錯浮生歲月日一瞋一成
昨盛年有幾何太空飛鳥霍戚戚世上人十見九不樂
我亦飽憂患十年氣索索偷生誠大幸餘年老巖壑自
訟勿怨天用靜毋妄作定傾固有道不在戚嗟若芻蕘
敢持贈請君於此度

題倪三畫蘭

世閒不少畫蘭手絕妙終推倪米樓可惜春風太瀾浪
幽香不那筆端愁

九月廿八日梁學士丈九十初度謹以瑟彼玉

瓚黃流在中作八小詩爲壽

儋州禿鬢翁眞學士誰匹先生山嶽靈後七百年出秀
媿冬嶺松品重新廟瑟黃髮 國之楨忽覺鳳麟劣

壯歲登瀛洲支榦周復始家山五十年高臥呼不起先生

於乾隆壬申成進士耆臣

戊寅奉諱遂不復出

天語重

先生丁卯年重宴鹿鳴晉秩
學士上諭中有耆臣字樣

碩果士林美猗猗

絲與薄淇澳式瞻彼

華堂張廣筵秋旻霽清肅何以持壽公粲粲一枝菊積

齡安用制種德久已熟浮筠發英華允矣比于玉

堂堂名相子，曾彼圭有瓚。如何託微痾，揮手謝三館。寥寥

寥雲外，字翔鸞。自蕭散，冰山高際天。付之一笑莞。

乾隆庚戌

先生入都祝

釐稿交恭王文端

二公勸調時相門先生終不應

清金悅萬物，秔稻初登場。霜螯縛寒蒲，磊落新橙黃。酌
彼菊泉水，泛以竹葉香。南山遙對酒，高稜正蒼蒼。

鹿鳴有德音，視民不怵愉。高會貽規矩，力迴百川流。麤
煤小結習於茲，豈千秋世人不識真。徒以翰墨求

麗，詹煒神人玉色映東海。納想乾隆初，衣冠大朴在。萊

妻偕白首相，莊六十載。

注恭人年九十一

洵惟恭則壽，仁者宜

樂豈

大江亘南北耆英獨推公

皇家瑞應圖老人星正中階下舞絲者背僕頭亦童古

來已稀有明年七十翁

令子諫菴文
學年六十九

病中得陳明府

玠

惠書卻寄六章

陳侯天機清美哉胡輦器孔鸞絢文采法宜廟廊置百
里亦不惡經術藉小試請看宣父門問政重民事

君侯三載前戾止餘不谿谿流亦如君徹底清無泥謝
事歲未淡秋風聞寒蛩谿水今猶昔停雲良阻睽

學舍小於舟高枕薦秋爽涼風下椅梧大葉打窗響臨
行出新句惜別心怏怏至今山廨夢清宵繞菰蔣

判袂未三年三奉尺素書賤子有何好愛之及儲胥公未忘山林我將老樵漁知公仕旣優經訓同菑畚

訟庭草一尺衙齋多秋山放衙掩書坐山意相與閒裁牋寄江鄉心在雲水閒古人亦有言不忍棄蒹葭

今秋多佳日兩月支枕臥見書如見面愁病一時破萬金買良藥片紙不翅過獻詩聊述懷細響敢求和

陳職方

中和

挽詞二首

擘鏡顏猶赭垂肩髮已宣楸枰閒事業花竹小神仙乍別忽千古浮生誰萬全駱駝橋下水嗚咽自年年

欲問盈虛數高穹不可梯含飴情未慰舞綵恨長齋

君母

夫人猶
在堂

慘淡滕公室蕭條白日低傷心梁上燕猶護舊

巢泥

八月初抱病至九月下旬始小瘳欲往郡城而

不能行寄簡諸相知并徐秀才球時秀才以試

事在郡

春秋多佳日秋光較春佳今年好風日中秋月臨街金
波漲几席寶鑑新摩揩力疾出門去更喚狂遊儕重露
浩如洗薄寒中我骸水帝子乘隙三日遂患瘵支枕匝
一月撫髀疑枯蘖扶攜出闔闔鮮鮮菊盈階掩關坐清
晝兀如井底漚少婦亦可憐黽勉搜珍鮭餅儲無脫粟

添薪仰古槐交絕孔方兄典到金塗去聲釵學使來玉湖
西風掃雲霾泠泠湖之水一法清如淮此邦有故人秀
才畫舫許我借湖邊多舊雨丁寧約毋乖遙想城南山
錦屏天際排何當攜酒榼高興隨芒屨會合非人力其
事竟不諧郵筒百里程裁詩寄同懷瓊藻儻惠我金石
期相繼

不寐

敲窗落葉悄無聲飢鼠窺燈繞榻行一樣秋林聽夜雨
病來點滴較分明

臘月十九日風日晴好念同人西湖坡祠之集

不能無感於懷也

湖邊鷗鷺漫相猜不見衝寒畫槳來
病裏梅花消息斷向陽知道幾分開

久病索居醉司命之夕許兵部表兄書來見餉
銀錢十枚以數韻誌之

寢瘵迫殘臘飛雪連蕭晨吾兄在蘭藻以春風風人嘉
貺拜精鏹病骨爲一振寒梅一笑粲葦箔生精神悲從
何許來回腸轉車輪繫豈無骨肉偃蹇誰我仁如何卒
歲謀轉賴中表親一飯期冥報紉懷古逸民陶公豈不
達感激意獨眞誰能忘受施崔銘空諄諄

有告急者輒分薄少相贈又誌數韻

我貧猶有地可容一錐立豈無坎壈者且暮不遑給客
來登我堂兀坐氣於邑借問客何爲張口舌先澀得非
突煙斷餅儲無餘粒頷首愴無言黯黯目背溼緡錢如
斗水暫止枯鮒泣惠人卽人惠急彼勝已急昔餘姚盧
自寄書云足下急人之急勝於急已之急送客還掩扉簷端雪融汁

年餠并引

嘗讀龍泓山人

錢塘丁高士

硯林詩集有詠湖州鄉裏

餠一詩其序云湖州農家臘月所成餠餌香輒耐久人以出自村落忽之云云蓋謂吾鄉之年餠也

鄉裏之名殆傳聞之誤且亦非村落閒所有也擬
爲別裁與久不屬山居養病歲暮製饅節物入眼
時序驚心漫成一篇以備鄉故云

殘年百冗集中饋督春籩多寡計斗餽剛柔料秬稷紛
較精麤勻糖以赤白和入甌武火得傾籠濯手摩匹如
片雲垂又疑寶瑟臥方宜紉絲截快若霜刃剝彤依竹
素爲妥帖利用馱幻作銀錠模由磊粲盈座儲爲獻歲
珍坐待殘臘破祠神宜登杵饋歲不煩裹能止飢腸鳴
亦聚渴脗唾炙之或煮之宜老亦宜痾糝以椒花紅豈
媿春盤佐鄉裏名無稽詩老墨空澆感茲一物微閱彼

百年過騰騰半醒醉鼎鼎傷老大捱躑蝨處禪辛苦蠟
旋磨頻年心孔疚未衰齒先蛻爛嚼謝不能凍筆猶可
呵烘烘呼窻婢苦吟預防餓

除夕

雪裏梅花太瘦生堂堂歲月不無情尊前檢點童心在
猶喜通宵爆竹聲

柯家山館遺詩卷四終

共一萬零三百六十一字